

Junaini, S. (2024, January 4). PADU: pemangkin transformasi digital rakyat.
<https://Dewankosmik.Jendeladbp.My/>. Retrieved from
<https://dewankosmik.jendeladbp.my/2024/01/04/10219/>.

PADU: Pemangkin transformasi digital rakyat

Oleh Syahrul Nizam Junaini

Malaysia melangkah setapak lagi dalam menelusuri perjalanan era digital berfokuskan rakyat.

Terkini, Kementerian Ekonomi tampil dengan inisiatif Pangkalan Data Utama (PADU). Diluncurkan pada 2 Januari 2024, PADU menjadi tonggak penting dalam pengurusan data rakyat secara bersepadu di peringkat nasional.

Pelancaran inisiatif PADU dibuat oleh Perdana Menteri, Datuk Seri Anwar Ibrahim di Putrajaya pada 2 Januari 2024 yang lalu. PADU tampil sebagai buah tangan tahun baharu 2024 Kementerian Ekonomi untuk rakyat Malaysia. Usaha gah ini disokong oleh Jabatan Perangkaan Malaysia (DOSM) dan Unit Pemodenan Tadbiran Dan Perancangan Pengurusan Malaysia (MAMPU).

Fungsi dan peranan

PADU dirancang menjadi pusat data rakyat yang komprehensif dan efisien. Ia menghimpun data setiap warga negara dan pemastautin tetap. Sebagai platform data berpusat, PADU mengandungi maklumat terperinci setiap individu dan isi rumah. Ia bertujuan mewujudkan ekosistem data yang lengkap dan bersifat hampir masa-nyata (real-time).